



**ASOCIJACIJA RADIO AMATERA BOSNE I HERCEGOVINE
UDRUŽENJE GRADJANA RADIO KLUB "KAKANJ" KAKANJ
E 7 3 E K K**

ul. Osmana Džafića P+3 72240 KAKANJ

Žiro račun: IK Banka poslovnica Kakanj I34020000081498

info@radioklubkakanj.net www.radioklubkakanj.net

Drugo mjesto na Zavidovići open 2015 i priprema za KAKANJ OPEN 2015- 06.09.2015

U nedelju 30.08.2015 godine održano je takmičenje u amaterskoj radio goniometriji u organizaciji radio kluba Zavidovići pod nazivom " Zavidovići open 2015". Na ovom takmičenju učešće je uzelo 9 radio klubova iz Bosne i Hercegovine sa ukupno 72 takmičara. Na ovom takmičenju naš radio klub uzeo je učešće sa 18 takmičara od čega 4 nova člana našeg kluba iz MZ Kamenica kod Teslića, koji su na svom prvom takmičenju pokazali veoma dobre rezultate te pokazali da će biti dobro pojačanje našoj ekipi. Naš klub na ovom takmičenju osvojio je ukupno 7 medalja od čega su bile 2 zlatne, 2 srebrene i 3 bronzane medalje.

U ukupnom plasmanu naš klub je zauzeo odlično drugo mjesto dok je prvo mjesto zauzela dosta brojnija i iskusnija ekipa radio kluba Stjepan polje, dok je treće mjesto zauzela ekipa radio kluba Goražde.

Okupljanje takmičara, gostiju i otvorenje takmičenja je bilo na lokalitetu Stari most- Kovači a start takmičara je bio u mjestu Mustajbašići . Takmičarska staza je bila duga od 3,5 do 7 kilometara i po veoma toplom vremenu takmičenje je provedeno i završeno bez i jedne povrede.

U toku su intezivne pripreme takmičenja u amaterskoj radio goniometriji koji će se održati na lokalitetu Ponijeri 06.09.2015 godine pod nazivom "KAKANJ OPEN 2015" a pod pokroviteljstvom općinskog načelnika Nermina Mandre . Na navedenom takmičenju očekujemo učešće oko 150 takmičara i gostiju iz cijele Bosne i Hercegovine.

Ovom prilikom pozivamo sve stare članove radio kluba da svojim učešćem pomognu u organizaciji ovog takmičenja ,kao i sve naše sugrađane ukoliko su u prilici da dođu i svojim prisustvom uveličaju ovo naše takmičenje te da i ovom prilikom pokažemo svima da smo "Grad sporta i kulture" .